


現觀莊嚴論



## 校勘說明

一、《現觀莊嚴論》論頌原文及科文係依五台山大塔院寺版為底本，並參校法尊法師譯釋《現觀莊嚴論略釋》。

二、《入中論》論頌原文及科文係依五台山大塔院寺版為底本，並參校宗喀巴大師所著《入中論善顯密意疏》，間有疑異，則依藏譯本校訂，或加註「另譯參考」。

# 現觀莊嚴論

序品第一	1	頂現觀品第六	31
一切相智品第二	5	漸次現觀品第七	38
道相智品第三	13	剎那證大菩提品第八	39
一切智品第四	18	法身品第九	40
圓滿一切相現觀品第五	22	攝品第十	45

# 現觀莊嚴論

彌勒菩薩  
造頌  
法尊法師  
由藏譯漢

## 序品第一

甲一 論前義 分二

乙一 論題

現觀莊嚴般若波羅蜜多教授論

乙二 敬禮

敬禮一切諸佛菩薩

甲二 論正義 分三

乙一 正申敬禮兼明造者之志願

求寂聲聞由遍智 引導令趣最寂滅

諸樂饒益眾生者 道智令成世間利  
諸佛由具種相智 宣此種種眾相法  
具為聲聞菩薩佛 四聖眾母我敬禮

乙二 為樂廣者分別廣說 分二

丙一 論所為義

大師於此說 一切相智道 非餘所能領 於十法行性  
經義住正念 具慧者能見 為令易解故 是造論所為

丙二 全論總義 分二

丁一 略標論體 分二

戊一 標能所釋

般若波羅蜜 以八事正說

戊二 標能釋數

遍相智道智 次一切智性 一切相現觀 至頂及漸次

剎那證菩提 及法身為八

丁二 隨標廣釋 分三

戊一 廣釋三智體 分三

己一 明一切相智

發心與教授 四種決擇分 正行之所依 謂法界自性  
諸所緣所為 甲鎧趣入事 資糧及出生 是佛遍相智

己二 明道相智

令其隱闇等 弟子麟喻道 此及他功德 大勝利見道  
作用及勝解 讚事并稱揚 迴向與隨喜 無上作意等  
引發最清淨 是名為修道 諸聰智菩薩 如是說道智

己三 明一切智

智不住諸有 悲不滯涅槃 非方便則遠 方便即非遙  
所治能治品 加行平等性 聲聞等見道 一切智如是

戊二 廣釋四加行體 分四

己一 釋圓滿眾相加行體

行相諸加行 德失及性相 順解脫決擇 有學不退眾  
有寂靜平等 無上清淨剎 滿證一切相 此具善方便

己二 釋頂加行體

此相及增長 堅穩心遍住 見道修道中 各有四分別  
四種能對治 無間三摩地 并諸邪執著 是為頂現觀

己三 釋漸次加行體

漸次現觀中 有十三種法

己四 釋剎那加行體

剎那證菩提 由相分四種

戊三 廣釋法身體

自性圓滿報 如是餘化身 法身并事業 四相正宣說

# 一切相智品第二

丙三 全論文義 分三

丁一 廣釋三智 分三

戊一 釋所求一切相智 分三

己一 釋為求一切相智所發誓願

發心為利他 求正等菩提 彼彼如經中 略廣門宣說

如地金月火 藏寶源大海 金剛山藥友 如意寶日歌

王庫及大路 車乘與泉水 雅聲河流雲 分二十二種

己二 釋為成辦彼誓顯示方便之教授 分二

庚一 正釋教授

修行及諸諦 佛陀等三寶 不耽著不疲 周遍攝持道

五眼六通德 見道并修道 應知此即是 十教授體性

諸鈍根利根 信見至家家 一間中生般 行無行究竟

三超往有頂 壞色貪現法 寂滅及身證 麟喻共二十

庚二 修教授義（最初發起緣空性之修得）分二

辛一 略標

所緣及行相 因緣并攝持 菩薩救世者 如煖等體性  
依具四分別 分下中上品 勝出諸聲聞 及以諸麟喻

辛二 廣釋 分三

壬一 釋煖等前三勝法

所緣無常等 是四諦等相 行相破著等 是得三乘因  
色等離聚散 住假立無說 色等不安住 其體無自性  
彼等自性一 不住無常等 彼等彼性空 彼等自性一  
不執著諸法 不見彼相故 智慧所觀察 一切無所得  
色等無自性 彼無即為性 無生無出離 清淨及無相  
由不依彼相 非勝解無想 正定定作用 授記盡執著

三互為一性 正定不分別 是順決擇分 下中上三品

壬一 釋分別

由所依對治 二所取分別 由愚蘊等別 彼各有九種  
由實有假有 能取亦分二 自在我等體 蘊等依亦爾

壬二 釋攝持(即善知識之名)

心不驚怖等 宣說無性等 棄捨所治品 應知為攝持

己三 釋如教授所修之正行 分四

庚一 釋修行所依 分二

辛一 種性差別

通達有六法 對治與斷除 彼等皆永盡 具智慧悲愍  
不共諸弟子 利他漸次行 智無功用轉 所依名種性

辛二 斷諍 分二

壬一 諍

法界無差別 種性不應異

壬二 答

由能依法異 故說彼差別

庚二 釋修行所緣

所緣一切法 此復為善等 若世間所知 及諸出世間

有漏無漏法 諸有為無為 若共弟子法 及佛不共法

庚三 釋修行所為

勝諸有情心 及斷智為三 當知此三大 自覺所為事

庚四 釋修行自體 分四

辛一 意樂廣大披甲正行

由彼等別別 皆攝施等六 故披甲修行 六六如經說

辛二 加行廣大趣入正行

靜慮無色定 施等道慈等 成就無所得 三輪善清淨

所為及六通 於一切相智 能趣入正行 當知昇大乘

辛三 資糧廣大資糧正行 分二

壬一 總標

悲及施等六 并修止觀道 及以雙運道 諸善權方便  
智福與諸道 陀羅尼十地 能對治當知 資糧行次第

壬二 別釋三資糧 分三

癸一 智資糧（無頌文）

癸二 地資糧 分二

子一 釋因位九地修治 分九

丑一 初地修治

由十種修治	當能得初地	意樂饒益事	有情平等心
能捨近善友	求正法所緣	常發出家心	愛樂見佛身
開闡正法教	諦語為第十	彼性不可得	當知名修治

丑一 一地修治

戒報恩安忍

極喜及大悲

承事敬師聞

第八勤施等

丑二 三地修治

多聞無厭足

無染行法施

嚴淨成佛刹

不厭倦眷屬

及有慚有愧

五種無著性

丑四 四地修治

住林少欲足

杜多正律儀

不捨諸學處

訶厭諸欲樂

寂滅捨眾物

不沒無顧戀

丑五 五地修治

親識及慳家

樂猥雜而住

自讚及毀他

十不善業道

憍慢與顛倒

惡慧忍煩惱

遠離此十事

證得第五地

丑六 六地修治

施戒忍精進

靜慮慧圓滿

於弟子麟喻

捨喜捨怖心

見求無愁感  
盡捨無憂悔  
雖貧不厭求  
證得第六地

丑七 七地修治

執我及有情	命與數取趣	斷常及相因	蘊界并諸處
住三界貪著	其心遍怯退	於三寶尸羅	起彼見執著
諍論於空性	違空性過失	由離此二十	便得第七地
知三解脫門	三輪皆清淨	大悲無執著	法平等一理
知無生知忍	說諸法一相	滅除諸分別	離想見煩惱
奢摩他定思	善毘鉢舍那	內心善調伏	一切無礙智
非貪地隨欲	等遊諸佛土	一切普現身	共為二十種

丑八 八地修治

知諸有情意	遊戲諸神通	修微妙佛剎	觀故親近佛
知根淨佛土	安住如幻事	故思受三有	說此八種業

丑九 九地修治

無邊諸誓願 了知天等語

辯說如懸河 入胎最第一

種姓族圓滿 眷屬及生身

出家菩提樹 圓滿諸功德

子二 釋果位第十地相

超過九地已 若智住佛地

應知此即是 菩薩第十地

癸三 對治資糧

見修諸道中 所能取分別

由滅除彼故 說八種對治

辛四 定出一切相智出生正行

所為及平等 利有情無用

超二邊出生 證得相出生

一切相智性 道有境出生

當知此八種 是出生正行

# 道相智品第三

戊二 釋趣彼方便道相智 分二

己一 釋道相智之支分

調伏諸天故 放光令隱闇

境決定普遍

本性及事業

己二 釋道相智之本性 分三

庚一 知聲聞道之道相智 分二

辛一 自性

道相智理中 由諸四聖諦

行相不可得

當知聲聞道

辛二 順決擇分因

聖聲聞道中 由色等空故

空無別為煖

由彼無所得

許為至頂位 忍位於色等

破住常等理

依於十地等

由廣說無住 即名第一法

由佛以現智

不見諸法故

庚二 知獨覺道之道相智 分二

辛一 所依差別 分二

壬一 正說

自覺自證故 亦不依他教 是故當宣說 麟喻智甚深

壬一 斷淨

若誰於何義 欲聞如何說 於彼彼彼義 無聲如是現

辛二 如何了知彼道

遠所取分別 未離能取故 當知由所依 攝為麟喻道

辛三 釋順決擇分因

開闡假法性 無違相為煖 頂由達色等 無減等所顯  
忍由內空等 不執色等故 色等無生等 相為第一法

庚三 知菩薩道之道相智 分二

辛一 見道 分二

壬一 略標剎那

由諦與諦上 忍智四剎那 說此道相智 見道具功德

壬二 廣釋修相

真如與諸智	無互能所依	故不許差別	廣大無能量
無量無二邊	住彼於色等	執為佛自性	無取無捨等
慈等及空性	證得佛陀性	遍攝諸淨法	除遣諸苦病
滅除涅槃執	諸佛守護等	不殺害生等	一切相智理
自住立有情	所修布施等	迴向大菩提	是道智剎那

辛二 修道 分二

壬一 修道作用

遍息敬一切 能勝諸煩惱 怨敵不能害 菩提供養依

壬二 有作用之修道 分二

癸一 有漏修道 分三

子一 勝解修道 分二

丑一 正釋

勝解謂自利 俱利及利他 當知此三種 各有下中上  
別別為三品 又以下下等 復各分為三 共二十七種

丑一 勝利

般若波羅蜜 於諸勝解位 由三種九聚 讚事及稱揚

子一 迴向修道

殊勝遍迴向 其作用最勝 無所得行相 不顛倒體性  
遠離佛福品 自性念行境 有方便無相 諸佛所隨喜  
不繫於三界 下中及上品 是餘三迴向 生大福為性

子二 隨喜修道

由方便無得 隨喜諸善根 是此中所說 修隨喜作意

癸一 無漏修道 分二

子一 引發修道

此自性殊勝 一切無作行 立法不可得 是大義利性

子二 清淨修道 分四

丑一 因差別

依佛及施等

善巧諸方便

此是勝解因

諸法衰損因

謂魔所魅著

不信解深法

執著五蘊等

惡友所攝持

丑一 境差別

果法清淨性

即色等清淨

以彼二無異

不可分故淨

丑三 果差別

惑所知三道

斷故為弟子

麟喻佛子淨

佛一切最淨

丑四 自性差別 分二

寅一 是否最清淨之差別

對治九地中

上上等諸垢

謂由下下等

諸道能清淨

寅一 立佛清淨為最清淨

由斷諍門中

道能量所量

由是平等性

遍對治三界

# 一切智品第四

戊三 釋淨道相智之支一切智 分二

己一 一切智自體 分三

庚一 釋遠近道 分三

辛一 遠近道之理

非此岸彼岸 不住其中間

知三世平等

故名般若度

辛二 成立彼理

彼由緣相門 非方便故遠

由善巧方便

即說為鄰近

辛三 所治能治之差別 分五

壬一 一切智相執所治

色蘊等空性 三世所繫法

施等菩提分

行想所治品

壬二 能治

施等無我執 於此令他行

此滅貪著邊

壬三 果上相執所治

## 執佛等微細

壬四 果上之能治 分三

癸一 是所治品之理

## 法道最甚深 自性遠離故

癸二 正對治

## 知諸法性一 故能斷貪著

癸三 傍義

由遣除見等 故說難通達 色等不可知 故為不思議

壬五 結

如是一切智 所治能治品 無餘諸差別 當知如經說

庚二 一切智加行 分二

辛一 加行差別

色等無常等 未圓滿圓滿 及於無貪性 破實行加行  
不變無造者 三難行加行 如根性得果 故許為有果  
不依仗於他 證知七現事

辛二 加行自性

不執著色等 四種平等性

庚三 修加行之果 分二

辛一 略標剎那

苦等諸聖諦 法智及類智 忍智剎那性 一切智見道

辛二 廣釋行相

色非常無常 出二邊清淨 無生無滅等 如虛空離貪  
脫離諸攝持 自性不可說 由宣說此義 不能惠施他  
皆悉不可得 畢竟淨無病 斷除諸惡趣 證果無分別

不繫屬諸相 於義名二種 其識無有生 一切智剎那

己二 總結三智

如是此及此 又此三段文 當知即顯示 此三品圓滿

# 圓滿一切相現觀品第五

丁二 廣釋四加行 分二

戊一 自在因果 分二

己一 自在因一切相加行 分二

庚一 一切相加行總建立 分二

辛一 一切相加行自性 分二

壬一 智相差別 分二

癸一 略標

一切智差別 行相為能相 由三種智故 許行相為三

癸二 廣釋 分三

子一 一切智相

始從無邊相 乃至無動相 三諦各有四 道中說十五

子二 道相智相

於因道及苦 滅中如次第 說彼有八七 五及十六相

子三 一切相智相

始從四念住 究竟諸佛相 道諦隨順中 由三智分別  
弟子及菩薩 諸佛如次第 許為三十七 卅四三十九

壬一 明勝加行 分二

癸一 積善根之身

昔承事諸佛 佛所種善根 善知識攝受 是聞此法器  
親近佛問答 及行施戒等 諸勝者許此 是受持等器

癸二 正明加行

不住色等故 遮彼加行故 彼真如深故 此等難測故  
此等無量故 劬勞久證故 授記不退轉 出離及無間  
近菩提速疾 利他無增減 不見法非法 色等不思議  
色等諸行相 自性無分別 能與珍寶果 清淨及結界

辛二 修加行之德失 分二

壬一 加行功德

摧伏魔力等 十四種功德

壬二 加行過失

當知諸過失 有四十六種

辛三 加行之性相 分二

壬一 略標

由何相當知 即性相分三 謂智勝作用 自性亦所相

壬二 廣釋 分四

癸一 智相 分三

子一 一切智加行相

知如來出現	世界無壞性	有情諸心行	心略及外散
知無盡行相	有貪等及無	廣大無量心	識無見無對
及心不可見	了知心出等	除此等所餘	知真如行相

能仁證真如 復為他開示 是攝一切智 品中諸智相

子一 道相智加行相

空性及無相 并捨棄諸願 無生無滅等 法性無破壞  
無作無分別 差別無性相 道相智品中 許為諸智相

子二 一切相智加行相

依真如法住 恭敬善知識 尊重及承事 供養無作用  
及了知遍行 能示現無見 世間真空相 說知及現見  
不思議寂靜 世間滅想滅 一切相智中 是說諸智相

癸二 勝相 分二

子一 略標

由難思等別 勝進諦行境 十六剎那心 說名殊勝相

子二 廣釋

不思議無等 超越諸量數 攝聖智者了 證知諸不共

通疾無增減 修行及正行 所緣與所依 一切并攝受  
及無味當知 十六殊勝性 由此勝餘道 故名殊勝道

癸二 作相

作利樂濟拔 諸人歸依處 宅舍示究竟 洲渚及導師  
并任運所作 不證三乘果 最後作所依 此即作用相

癸四 自性相

離煩惱狀貌 障品及對治 難性與決定 所為無所得  
破一切執著 及名有所緣 不順無障礙 無跡無去生  
真如不可得 此十六自性 由如所相事 許為第四相

庚二 從順解脫分釋生起次第 分三

辛一 明正所為機 分二

壬一 道總相

無相善施等 正行而善巧 一切相品中 謂順解脫分

壬一 明正所化機

緣佛等淨信 精進行施等 意樂圓滿念 無分別等持

知一切諸法 智慧共為五 利易證菩提 許鈍根難證

辛一 生能熟道之次第

此煖等所緣 讚一切此情 緣彼心平等 說有十種相

自滅除諸惡 安住布施等 亦令他住彼 讚同法為頂

如是當知忍 自他住聖諦 如是第一法 成熟有情等

辛二 生殊勝現觀之次第 分二

壬一 不退無上菩提之相 分二

癸一 略標

從順決擇分 見修諸道中 所住諸菩薩 是此不退眾

癸二 廣釋 分三

子一 加行道不退轉相 分二

丑一 略標

由說於色等 轉等二十相 即住決擇分 所有不退相

丑一 廣釋

由於色等轉	盡疑惑無暇	自安住善法	亦令他安住
於他行施等	深義無猶豫	身等修慈行	不共五蓋住
摧伏諸隨眠	具正念正知	衣等恆潔淨	身不生諸蟲
心無曲杜多	及無慳恪等	成就法性行	利他求地獄
非他能牽引	魔開顯似道	了知彼是魔	諸佛歡喜行
由此二十相	諸住煖頂忍	世第一法眾	不退大菩提

子一 見道不退轉相 分二

丑一 略標

見道中忍智 十六剎那心 當知此即是 菩薩不退相

丑一 廣釋

遣除色等想 心堅退小乘 永盡靜慮等 所有諸支分

身心輕利性	巧便行諸欲	常修淨梵行	善清淨正命
蘊等諸留難	資糧及根等	戰事慳恪等	加行及隨行
破彼所依處	不得塵許法	安住三地中	於自地決定
為法捨身命	此十六剎那	是住見道位	智者不退相

子三 修道不退轉相 分二

丑一 廣釋大乘修道

修道謂甚深	甚深空性等	甚深離增益	及損減邊際
於順決擇分	見道修道中	有數思稱量	及觀察修道
此常相續故	諸下中上品	由下下等別	許為九種相
經說無數等	非勝義可爾	佛許是世俗	大悲等流果
不可說性中	不可有增減	則所說修道	何斷復何得
如所說菩提	此辦所欲事	菩提真如相	此亦彼為相
初心證菩提	非理亦非後	由燈喻道理	顯八深法性

丑二 不退轉相

生滅與真如 所知及能知 正行并無二 巧便皆甚深

壬二 引發三身之殊勝道 分三

癸一 法身因生死涅槃平等加行

諸法同夢故 不分別有靜 無業等問難 如經已盡答

癸二 受用身因嚴淨佛土加行

如有情世間 器世未清淨 修治令清淨 即嚴淨佛土

癸三 化身因善巧方便加行

境及此加行 超過諸魔怨 無住如願力 及不共行相  
無著無所得 無相盡諸願 相狀與無量 十方便善巧

# 頂現觀品第六

己二 自在果頂加行 分四

庚一 加行道頂加行 分四

辛一 煖頂加行

夢亦於諸法

觀知如夢等

是至頂加行

所有十二相

辛二 頂頂加行

盡瞻部有情

供佛善根等

眾多善為喻

說十六增長

辛三 忍頂加行

由三智諸法

圓滿最無上

不捨利有情

說名為堅穩

辛四 世第一法頂加行

四洲及小千

中大千為喻

以無量福德

宣說三摩地

庚二 見道頂加行 分二

辛一 所治分別 分二

壬一 略標 分二

癸一 略標所取分別

轉趣及退還 其所取分別 當知各有九 非如其境性

癸二 略標能取分別

由異生聖別 分有情實假 是能取分別 彼各有九性  
若所取真如 彼執為誰性 如是彼執著 自性空為相

壬二 廣釋 分二

癸一 廣釋所取分別 分二

子一 轉趣所取分別

自性及種性 正修行諸道 智所緣無亂 所治品能治  
自內證作用 彼業所造果 是為轉趣品 所有九分別

子二 退還所取分別

墮三有寂滅 故智德下劣 無有攝受者 道相不圓滿

由他緣而行 所為義顛倒 少分及種種 於住行愚蒙  
及於隨行相 九分別體性 是所退還品 聲聞等心起

癸二 廣釋能取分別 分二

子一 實執分別

所取及所捨 作意與繫屬 所作意三界 安住與執著  
法義唯假立 貪欲及對治 失壞如欲行 當知初能取

子二 假執分別

不如所為生 執道為非道 謂生俱有滅 具不具道性  
安住壞種性 無希求無因 及緣諸敵者 是餘取分別

辛二 分別之對治 分三

壬一 見道頂加行之因

為他示菩提 其因謂付囑 證彼無間因 具多福德相

壬二 彼大菩提果 分三

癸一 明自宗之大菩提

垢盡無生智 說為大菩提 無盡無生故 彼如次應知

癸二 許實有性不應道理

無滅自性中 謂當以見道 盡何分別種 得何無生相  
若有餘實法 而於所知上 說能盡諸障 吾以彼為奇

癸三 欲證究竟大菩提須許諸法皆空

此中無所遣 亦無少可立 於正性正觀 正見而解脫

壬三 見道頂加行之自性 分二

癸一 正說

施等一一中 彼等互攝入 一剎那忍攝 是此中見道

癸二 斷德自在

次由入獅子 奮迅三摩地 觀察諸緣起 隨順及迴逆

庚三 修道頂加行 分三

辛一 修道頂加行

滅盡等九定 修往還二相 後以欲界攝 非定心為界

超越入諸定 超一二三四 及五六七八 至滅定不同

辛二 所斷分別 分一

壬一 所取分別 分二

癸一 轉所取分別

略標及廣釋 佛所不攝受 無三世功德 及於三妙道

所取初分別 加行相行境

癸二 還所取分別

次許心心所 轉趣時有境 不發菩提心 不作意菩提

作意小乘法 不思大菩提 有修與無修 及與彼相反

非如義分別 當知屬修道

壬二 能取分別 分二

癸一 實執分別

施設有情境 施設法不空 貪著簡擇性 為寂事三乘  
受供不清淨 破壞諸正行 經說是第一 能取應當知

癸二 假執分別 分二

子一 略標

設有情及因 由此所摧害 故是修道繫 其餘九違品

子二 廣釋

如自所緣性 三智障有三 靜道真如等 相應不相應  
不等及苦等 諸煩惱自性 及無二愚蒙 為最後分別

辛三 斷除所斷之勝利

如諸病痊愈 常時獲安隱 恆修眾生樂 一切勝功德  
任運而依附 勝果所莊嚴 上品位菩薩 如眾流歸海

庚四 無間道頂加行 分二

辛一 正說 分二

壬一 多福喻顯

安立三千生 聲聞麟喻德 及離生菩薩 眾善為譬喻  
經以無量福 明佛無間道 無間三摩地 證一切相智

壬二 釋所緣行相

無性為所緣 正念為增上 寂靜為行相 愛說者常難

辛二 除邪執

於所緣證成 及明所緣性 一切相智智 勝義世俗諦  
加行與三寶 巧便佛現觀 顛倒及道性 能治所治品  
性相并修習 說者邪分別 依一切相智 說為十六種

# 漸次現觀品第七

戊二 堅固因果 分二

己一 為得堅固修漸次加行

布施至般若 隨念於佛等

法無性自性

許為漸次行

# 剎那證大菩提品第八

已得堅固剎那加行

施等一一中	攝諸無漏法	當知即能仁	一剎那智德
猶如諸士夫	動一處水輪	一切頓轉動	剎那智亦爾
若時起異熟	一切白法性	般若波羅蜜	即一剎那智
由布施等行	諸法如夢住	一剎那能證	諸法無相性
如夢與能見	不見有二相	一剎那能見	諸法無二性

# 法身品第九

丁三 廣釋法身 分二

戊一 身建立 分四

己一 自性身

能仁自性身

得諸無漏法

一切種清淨

彼自性為相

己二 智法身 分三

庚一 正義

順菩提分法

無量及解脫

九次第等至

十遍處自體

最為殊勝處

差別有八種

無諍與願智

神通無礙解

四一切清淨

十自在十力

四種無所畏

及三種不護

并三種念住

無忘失法性

永害諸隨眠

大悲諸眾生

唯佛不共法

說有十八種

及一切相智

說名為法身

庚一 差別

聲聞無諍定 離見者煩惱 佛無諍永斷 聚落等煩惱

佛所有願智 任運無礙著 無障礙常住 普答一切問

庚二 斷諍 分二

辛一 於法身常住斷諍

若善因成熟 於彼彼所化 爾時能饒益 即於彼彼現

如天雖降雨 種壞不發芽 諸佛雖出世 無根不獲善

辛二 於遍常斷諍

如是事廣大 故說佛為遍 即此無盡故 亦可說為常

己三 受用身 分二

庚一 略標行相

許三十二相 八十隨好性 受用大乘故 名佛受用身

庚二 廣釋功德 分二

手足輪相具	足底如龜腹	手足指網連	柔軟極細嫩
身七處充滿	手足指纖長	跟廣身洪直	足膝骨不突
諸毛皆上靡	腠如鑿泥耶	雙臂形長妙	陰藏密第一
皮金色細薄	孔一毛右旋	眉間毫相嚴	上身如獅子
膊圓實項豐	非勝現勝味	身量縱橫等	譬諾瞿陀樹
頂肉髻圓顯	舌廣長梵音	兩頰如獅王	齒潔白平齊
諸齒極細密	數量滿四十	紺目牛王睫	妙相三十二
此中此此相	所有能生因	由彼彼圓滿	能感此諸相
迎送師長等	正受堅固住	習近四攝事	布施妙資財
救放所殺生	增長受善等	是能生因相	如經所宣說

辛二 釋隨好

佛爪赤銅色

潤澤高諸指

圓滿而纖長

脈不現無結

若乃至三有	於眾生平等	作種種利益	佛化身無斷
己四 勝應身			
不澀出妙香	能奪眾生意	德紋相吉祥	是為佛隨好
額部善分展	開廣頂周圓	髮紺青如蜂	稠密軟不亂
眉修長細軟	潤澤毛齊整	手長滿耳齊	耳輪無過失
漸細鼻高修	清淨最第一	眼廣眼睫密	猶如蓮華葉
舌柔軟微薄	赤紅發雷音	語美妙牙圓	鋒利白平齊
手軟如木棉	手文明深長	面門不太長	唇紅如頻婆
臍深臍右旋	為眾所樂見	行淨身無疣	無諸黑鬣點
支節善開展	顧視淨無翳	身圓而相稱	無歪身平整
步庠序雙目	清淨身細嫩	身無怯充實	其身善策勵
光潔身相稱	潔淨軟清淨	眾相皆圓滿	身廣大微妙
踝隱足平隱	行步如獅象	鵝牛王右旋	妙直進堅密

如是盡生死	此事業無斷	諸趣寂滅業	安立四攝事
令知諸雜染	及知諸清淨	有情如證義	六波羅蜜多
佛道自性空	盡滅二戲論	假名無所得	成熟諸有情
及立菩薩道	遣除諸執著	得菩提嚴淨	佛土及決定
無量有情利	親近佛等德	菩提分諸業	不失壞見諦
遠離諸顛倒	無彼根本理	清淨及資糧	有為與無為
悉不知有異	安立大涅槃	許法身事業	有二十七種

# 攝品第十

乙三 為樂略者更說略義 分二

丙一 攝為六義

相及彼加行 彼極彼漸次 彼竟彼異熟 餘六種略義

丙二 攝為三義

初境有三種 因四加行性 法身事業果 餘三種略義

甲二 論後義

其造論者。謂此般若波羅蜜多教授《現觀莊嚴論》。是成就究竟大悲大智現住觀史多天一生補處彌勒菩薩所造。由梵譯藏者謂天竺明本光論師與吉祥積譯師翻譯校對。後又經天竺大德無死論師與具慧譯師重譯校閱善為決擇也。

謹依先覺論

摘譯少分義

歸命慈氏尊

加持成佛事

民國二十六年十一月二十日譯畢

在漢藏教理院雙柏精舍

普為出資及讀誦受持  
輾轉流通者回向偈曰

願以此功德 消除宿現業  
增長諸福慧 圓成勝善根  
所有刀兵劫 及與饑饉等  
悉皆盡滅除 人各習禮讓  
讀誦受持人 輾轉流通者  
現眷咸安樂 先亡獲超昇  
風雨常調順 人民悉康寧  
法界諸含識 同證無上道

## 現觀莊嚴論·入中論

現觀莊嚴論/彌勒菩薩 造頌 法尊法師 由藏譯漢  
入中論/月稱論師 造頌 法尊法師 由藏譯漢

出版者：福智之聲出版社

台北市南京東路四段一三七號十二樓

電話：(02)2545-2546

傳真：(02)2545-2547

中華民國九十六年五月恭印1000冊（25開本第一版第一刷）

行政院局版台業字5601號

ISBN:978-986-7535-24-5(25K精裝)

免費結緣·歡迎助印  
版權所有·請勿翻印

國家圖書館出版品預行編目資料

現觀莊嚴論 / 彌勒菩薩造頌 . 入中論 / 月稱論  
師造頌 ; 法尊法師由藏譯漢 . -- 第一版 . --  
臺北市 : 福智之聲 , 民 96

面 ; 公分 .

ISBN 978-986-7535-24-5 (25K 精裝)

ISBN 978-986-7535-25-2 (50K 精裝)

1. 論藏

222 . 5

96009673